

Малое повечерие

Старший: Молитвами святых отец наших, Господи, Иисусе Христе, Сыне Божий, помилуй нас.¹

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеша, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Псалом 69:

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящися глаголющии ми: благоже, благоже. Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое. Аз же нищ есмь и убог, Боже, помози ми; Помощник мой и Избавитель мой еси Ты, Господи, не закосни.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей; И не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятется сердце мое. Помянух дни древния, поучихся во всех делех Твоих, в творениих руку Твоею поучахся. Воздех к Тебе руке мои, душа моя яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи путь, вонже пойду, яко к Тебе взях душу мою. Изми мя от

враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи, Царю небесный. Боже Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, Воземляй грех мiра, помилуй нас, Воземляй грехи мiра, приими молитву нашу: Сядяи одесную Отца, помилуй нас. Яко Ты еси Един Свят, Ты еси Един Господь, Иисус Христос, в славу Бога Отца, аминь.

На всяку ночь благословлю Тя, и восхваляю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Сподоби, Господи, в ночь сию без греха сохранитися нам. Благословен еси, Господи, Боже отец наших, и хвально, и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и сядяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую,

Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

КАНОН:

ПЕСНЬ 1:

КАНОН АП. ПЕТРА, ГЛАС 4:

Хор:

Ирмос: **Несть Тебѣ подобен, / препрослáвленный Гóсподи, /
рукою бо крѣпкою избáвил есѣ люди, // яже стяжáл есѣ,
Человеколóбче. (Дважды)**

Чтец:

Припев: **Святýй апóстолѣ Пётре, моли́ Бóга о нас.**

Тропарь: **Верхóвнейшаго апóстолов днесь, я́ко первозвáннаго
Христóва, // богодохновѣнными пѣсньми достóйно воспóйм.
(Дважды)**

Припев: **Святýй апóстолѣ Пётре, моли́ Бóга о нас.**

Тропарь: **Тя предвѣчный проувѣдев, предустáви, всеблажѣнне
Пётре, // я́ко предстáтеля Своея́ Цѣркве и первопрестóльника.
(Дважды)**

Припев: **Святýй апóстолѣ Пётре, моли́ Бóга о нас.**

Тропарь: **Ни плоть, ниже́ кровь тебѣ, но Отѣц вдохну́ // Христá
богослóвити, Сýна йстиннаго Бóга Вѣшняго, апóстолѣ.**

Припев: **Пресвятáя Богорóдице, спаси́ нас.**

Богородичен: **Гóру святую́, превѣшнее носíло, // Мáтерь Бóжию и Дѣву
йстинную по рождествѣ воспóем.**

КАНОН АП. ПАВЛА, ГЛАС 8:

Припев: **Святýй апóстолѣ Пáвле, моли́ Бóга о нас.**

Тропарь: Якоже сущая нарица́я не сущая Христос Божественным разумом, Пáвле всеблаженне,/ Той из ма́терня чре́ва ты избра́/ понести́ пред язы́ки Божественное Его́ Имя, е́же па́че всякаго и́мене:// сла́вно бо просла́вися. *(Дважды)*

Припев: Святы́й апосто́ле Па́вле, моли́ Бо́га о нас.

Тропарь: Бúдущее возвещáя тебé сия́ние благоче́стия, Па́вле,/ и ле́сти очище́ние,/ Христос я́влься на горé молниезра́чен,/ о́чи úбо помрача́ет плотскы́я, душе́вныя же вразумля́ет Трóйческим разумом:// сла́вно бо просла́вися. *(Дважды)*

Сла́ва Отцу́ и Сы́ну и Свято́му Ду́ху.

Тропарь: Обре́зание úбо соверша́я осмодне́вное и ревни́тель оте́ческих, Па́вле, преда́ний,/ от се́мене евре́йска, колéна Вениамíнова,/ по зако́ну же фарисе́й я́влься,/ вмени́л еси́ вся уме́ты и Христа́ приобрéл еси́:// сла́вно бо просла́вися.

И ны́не и прýсно и во ве́ки веко́в, ами́нь.

Богородичен: Чы́стая Ма́ти Бо́га Вседержи́теля, от ца́рскаго колéна, Влады́чице, изра́стши/ и еди́на Бо́га, все́ми ца́рствующаго, ро́ждшая плóтию па́че естества́,/ от бед мя спаси́, Сы́ну Твоему́ пою́ща:// сла́вно бо просла́вися.

КАТАВА́СИЯ, ГЛАС 4:

Хор: Отвéрзу уста́ моя́,/ и напо́лнятся Ду́ха,/ и сло́во отры́гну Цари́це Ма́тери,/ и явлю́ся, све́тло торжеству́я,// и воспою́, ра́дуяся, То́я чудеса́.

ПЕСНЬ 3:

КАНО́Н АП. ПЕТРА́, ГЛАС 4:

Хор:

Ирмос: Не му́дростию, и си́лою, и бога́тством хва́лимся,/ но Тобо́ю, О́тчею Ипостáсною му́дростию, Христé:// несть бо свят, па́че Тебе́, Человеколю́бче. *(Дважды)*

Чтец:

Припев: Святы́й апосто́ле Пётре, моли́ Бо́га о нас.

Тропарь: Ты, блаже́нна, сла́дкая уста́ Христа́ Бо́га и сокро́вище твёрдо

Царствія показаша.// Тёмже воспеваем тя, Пётре апостоле.
(Дважды)

Припев: **Святый апостоле Пётре, моли Бога о нас.**

Тропарь: **На камени твоего Богословия водрузи Владыка Иисус
Церковь непреклонну,// в нейже ты, апостоле Пётре, славим.**
(Дважды)

Припев: **Святый апостоле Пётре, моли Бога о нас.**

Тропарь: **Яко пребольши Ангел Петр в телеси:/ во светлом бо
пришествии сего// Христос Бог судию же и соседателя быти
рече.**

Припев: **Пресвятая Богородице, спаси нас.**

Богородичен: **Неискусобрачная, Бога плотию рождающая,/ страстными
прилози преклоненна мя утверди:// несть бо, Чистая, разве
Тебе, помощницы.**

Канон ап. Павла, глас 8:

Припев: **Святый апостоле Павле, моли Бога о нас.**

Тропарь: **Ты камень основания верным душам положился еси
многоценен,// краеуголен Спаса и Господа.** *(Дважды)*

Припев: **Святый апостоле Павле, моли Бога о нас.**

Тропарь: **Павле всеблаженне,// на основании твоём, молися,
добродетелей всехвальных наздаться светлости.** *(Дважды)*

Слава Отцу и Сыну и Святому Духу.

Тропарь: **Всегда мертвость Иисусову на твоём теле совершенно,
Павле, обносая,// сподобился еси истинной жизни.**

И ныне и присно и во веки веков, аминь.

Богородичен: **Тя вси стяжанием прибежище и стену нашу, христиане,// Тя
славословим немолчно, Безневестная.**

Катавасия, глас 4:

Хор: **Твоя песнословцы, Богородице,/ живый и неизвестный
Источниче,/ лик себе совокупльшия, духовно утверди,/ в
Божественней Твоей славе// венцев славы сподоби.**

Хор: **Господи, помилуй.** *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и прѣсно и во ве́ки веко́в, ами́нь.

Хор: Ами́нь

ИПАКО́Й АПО́СТОЛОВ, ГЛАС 8:

Ка́я темни́ца не имé тебе́ ю́зника?/ Ка́я же Це́рковь не йма́ть ты ви́тию?/ Дама́ск вели́комудрствует о тебе́, Па́вле, ве́де бо ты запы́та све́том;/ Рим, твою́ кровь прие́мый, и той хва́лится,/ но и Тарс мно́жае ра́дуется и лю́бит, почита́я твои́ пелены́./ Пётре, ве́ры ка́меню, Па́вле, похвало́ вселенны́я,// от Ри́ма соше́дшеся, утверди́те нас.

ПЕСНЬ 4:

КАНО́Н АП. ПЕТРА́, ГЛАС 4:

Хор:

Ирмос: Сей Бог наш, от Девы вопло́щся/ и естество́ обожив,/ Егóже воспева́юще, вопие́м:// сла́ва си́ле Твое́й, Го́споди.
(Дважды)

Чтец:

Припев: Святы́й апо́столе Пётре, моли́ Бо́га о нас.

Тропарь: Чело́веком ловца́ ты, я́коже обеща́ Христо́с, соде́ла Божество́нна Своея́ Це́ркве,// пе́рвому вручи́в корми́ла.
(Дважды)

Припев: Святы́й апо́столе Пётре, моли́ Бо́га о нас.

Тропарь: Тобо́ю умоля́емъ Жизнода́вец Иису́с,// вяза́ти же и реши́ти да́вый тебе́ власть, Пётре, да бу́дет ми ми́лостив. *(Дважды)*

Припев: Святы́й апо́столе Пётре, моли́ Бо́га о нас.

Тропарь: Христо́во Ца́рствие отве́рсти приле́жно моли́ся, Пётре,// Божество́нную твою́ па́мьть ве́рою несумне́нною чту́щим.

Припев: Пресвята́я Богоро́дице, спаси́ нас.

Богородичен: Госпоже́ Всепе́тая, Богороди́тельнице,/ мо́я помышле́ния Твои́ми моли́твами очи́стивши,// покажи́ мя благопло́дна, Ма́ти всех Бо́га.

КАНО́Н АП. ПА́ВЛА, ГЛАС 8:

Припев: Святы́й апо́столе Па́вле, моли́ Бо́га о нас.

Тропарь: **В**седе, якоже лев, яровидно погубляя Христо́ву Це́рковь, Савл иногда́,/ ят же быв Божественным гла́сом А́гнца Бо́жия, Егóже гоняше, // ста́до яко па́стырю вруча́ет. *(Дважды)*

Припев: **С**вяты́й апо́столе Па́вле, моли́ Бо́га о нас.

Тропарь: **Х**отя́й просвети́ти вселенну́ю омрача́ется,/ Ана́ния же к сему́ послася, душе́вное же просвеще́ние да́й и телесное // от Божественнаго явлéния, сосу́д избра́н показав тогó. *(Дважды)*

Сла́ва Отцу́ и Сы́ну и Свято́му Ду́ху.

Тропарь: **П**авлом досто́йно Дамáск напо́яется:/ от сегó бо, якоже от ра́я иногда́,/ вод Божественных сей произы́де вели́кий исто́чник // и упо́й всю Богоразу́мием незави́стно зéмлю.

И ны́не и прýсно и во ве́ки веко́в, ами́нь.

Богородичен: **Н**изложи́ си́льныя со престóл Господь, Дéва и Ма́ти якоже рече́,/ а́лчущия же Божественных благ испóлни, véрою зову́щия: // сла́ва си́ле Твоéй, Го́споди.

КАТАВА́СИЯ, ГЛАС 4:

Хор: **С**едя́й в сла́ве на престóле Божества́/ во о́блаце лёгце́,/ при́йде Иису́с Пребоже́ственный/ Нетле́нною Дла́нию и спасé зову́щия: // сла́ва, Христé, си́ле Твоéй.

ПЕСНЬ 5:

КАНО́Н АП. ПЕТРА́, ГЛАС 4:

Хор:

Ирмос: **С**тяжа́вый ны, избра́нныя лю́ди/ Кро́вию Твоéю, Го́споди,/ Твой мир даждь нам, // во единомы́слии сохра́няя ста́до Твоé. *(Дважды)*

Чтец:

Припев: **С**вяты́й апо́столе Пётре, моли́ Бо́га о нас.

Тропарь: **И**же от любве́ при́йм дерзнове́ние к Бо́гу,/ досто́йно чуди́м быва́ше ловец и неве́жда, // чудодéйствуя пресла́вно благода́тию. *(Дважды)*

Припев: **С**вяты́й апо́столе Пётре, моли́ Бо́га о нас.

Тропарь: **Н**е зláто Тебе́ ра́ди, ни сребро́, Христé,/ Божественный Твой

апóстол, но добродéтель стяжав, // чудес обогатíся сíлою.
(Дважды)

Припев: **Святýй апóстоле Пётре, моли́ Бóга о нас.**

Тропарь: **Исправля́хуся стопы́ и глэзне хромых, дéйственным твоим глаго́лом: // Божéственным бо Дúхом соверша́хуся преслáвныя вéщи.**

Припев: **Пресвятáя Богородице, спаси́ нас.**

Богородичен: **Воплотíся Бог по ипостáси, Чíстая, из Тебé плóтию соединя́емь, // пребýв неизмéнен, по Божéственному существу́ безплóтен.**

КАНО́Н АП. ПА́ВЛА, ГЛАС 8:

Припев: **Святýй апóстоле Па́вле, моли́ Бóга о нас.**

Тропарь: **Ты и́стинную избрал еси́, Па́вле, похвалу́, / Крест Царя́ Христá прíсно нося́, // я́коже побéду, апóстоле. *(Дважды)***

Припев: **Святýй апóстоле Па́вле, моли́ Бóга о нас.**

Тропарь: **Тебé éже жíти, Христóс, и éже умрéти, приобретение изрядно: // любóвию бо сраспáлся еси́ Распéншемуся нас рáди, Па́вле преслáвне. *(Дважды)***

Слáва Отцú и Сýну и Святóму Дúху.

Тропарь: **Рáдуешися вои́стинну о Гóсподе, Па́вле честнýй, изше́д из телесé // и отше́д ко Христú, Жизнода́вцу Бóгу.**

И ны́не и прíсно и во вéки векóв, ами́нь.

Богородичен: **Моли́ прíсно Сýна Твоегó и Бóга нáшего, / Неискусобра́чная Мари́е Чíстая, // послáти нам, вёрным, мíлость.**

КАТАВА́СИЯ, ГЛАС 4:

Хор: **Ужасóшася вся́ческая / о Божéственной слáве Твоей: / Ты бо, Неискусобра́чная Дéво, / имéла еси́ во утрóбе над все́ми Бóга / и родилá еси́ безлётнаго Сýна, / всем воспевáющим Тя // мир подава́ющая.**

ПЕСНЬ 6:

КАНО́Н АП. ПЕТРА́, ГЛАС 4:

Хор:

Ирмос: **В** ките, Христэ, триднёвновав, Иона/ прописá Тя, Безсмёртнаго, яко мёртва волею// в сёрдце земнём триднёвновавша. *(Дважды)*

Чтец:

Припев: **Святы́й апо́столе Пётре, моли́ Бо́га о нас.**

Тропарь: **Я**коже дрéвле, Христэ, десни́цею Твоёю по водé пéша ходя́ща Петра́ спасл еси́,// и менé, потопля́ема бурею лю́тых напáстей, спаси́, яко Милосéрд. *(Дважды)*

Припев: **Святы́й апо́столе Пётре, моли́ Бо́га о нас.**

Тропарь: **О**ста́вил еси́, о Пётре, не сущая,/ и сущая достíгл еси́, якоже не́кий купéц,// и я́ве уловíл еси́ бисер, Христá, многоцéнный. *(Дважды)*

Припев: **Святы́й апо́столе Пётре, моли́ Бо́га о нас.**

Тропарь: **И**скушáти безúмно покусívшийся Дúха Пресвята́го, Пётре, умертвíл еси́:/ Егóже богослóвил еси́ ты пёрвее,// я́ве исповéдав Бо́га, всеблажénне.

Припев: **Пресвятáя Богороди́це, спаси́ нас.**

Богородичен: **В**сякаго в́ышша существá Слово́ Бо́жие родила́ еси́, воплощённо нам,// тёмже Богороди́цу Тя устна́ми же и душе́ю проповéдаем.

Канóн ап. Пáвля, глас 8:

Припев: **Святы́й апо́столе Пáвле, моли́ Бо́га о нас.**

Тропарь: **В**ся пренебрéг красная́ мíра,/ уязвлен Влады́чною любóвию и óбщаго спасéния желáнием,/ свидéтельствovati томú изво́лив, о Пáвле блажénне,// и ны́не о вселénней моли́ся. *(Дважды)*

Припев: **Святы́й апо́столе Пáвле, моли́ Бо́га о нас.**

Тропарь: **Я**ко изрядный Влады́це подобник/ и в Тогó одéян, Пáвле, войстинну́ всем был еси́ всяк,/ да вся приобря́щещи и спасéши лю́ди,// и спасл еси́ яко войстинну́, Христú уловív концы́. *(Дважды)*

Сла́ва Отцу́ и Сы́ну и Свято́му Дúху.

Тропарь: **Д**осто́йно тебе́ дарова́ Христóс житиé, апо́столе Пáвле, на Небесéх:/ пребыва́ющаго бо zde не возжелáл еси́ гра́да,

блаженне, // верен служитель быв и строитель таин Его.

И ныне и присно и во веки веков, аминь.

Богородичен: Призré на Тя Господь, моё обновляя существо, яко Силен, / величия сотвори, Богородительнице, якоже рекла еси, Всенепорочная, // и спасе мя Тобою из тли Бог мой, яко Милосерд.

КАТАВАСИЯ, ГЛАС 4:

Хор: Божественное сие и всечестное / соваршающе празднество, / богомудрии, Богоматере, / приидите руками восплещим, // от Нея рождагося Бога славим.

Хор: Господи, помилуй. *Трижды*

Чтец: Слава Отцу и Сыну и Святому Духу **И** ныне и присно и во веки веков, аминь.

Хор: Аминь

КОНДАК АПОСТОЛОВ, ГЛАС 2:

Твёрдые и Боговещанные проповедатели, / верх апостолов Твоих, Господи, / приял еси в наслаждение благих Твоих и покой: / болезни бо оных и смерть приял еси паче всякаго всеплодия, // Еди́не, сведый сердечная.

Икос:

Уясни мой язык, Спасе мой, расширив мой уста / и исполнив я, умил сердце мое, / да, яже глаголю, последую и, яже убо учу, сотворю прежде: / всяк бо творя и уча, рече, сей велик есть. / Аще бо глаголю, и не творю, яко медь звенящая вменюся; / темже рещи ми подобная и творити полезная даруй, // Еди́не, сведый сердечная.

ПЕСНЬ 7:

КАНОН АП. ПЕТРА, ГЛАС 4:

Хор:

Ирмос: В начале Безначальное Слово, / со Отцем и Духом, Сын Единородный, / благословен еси, и превозносимый // Бо́же отец наших. *(Дважды)*

Чтец:

Припев: **Святы́й апо́столе Пётре, моли́ Бо́га о нас.**

Тропарь: **Ми́лостивному, Божественным про́мыслом Христо́вым наказу́емь,/ подоби́тися попуще́н был еси́, пре́жде стра́сти, Пётре, // отверже́ния подпа́сти волне́нию. (Дважды)**

Припев: **Святы́й апо́столе Пётре, моли́ Бо́га о нас.**

Тропарь: **Тебе́ Христо́с, перво́званному и zeló возлю́бленному, // я́ко председа́телю благосла́вну апо́столов, пе́рвому явля́ется, воскресе́ от гроба́.**

Припев: **Святы́й апо́столе Пётре, моли́ Бо́га о нас.**

Тропарь: **Твое́ трикрати́е, е́же пре́жде стра́сти, исцеля́я отверже́ние, Влады́ка // трикрати́м боговещáнным, Пётре, вопроше́нием утвержда́ет любóвь.**

Припев: **Святы́й апо́столе Пётре, моли́ Бо́га о нас.**

Тропарь: **Е́же ко Христу́, Пётре, любле́ния, / предлага́л еси́ свидете́ля и Всеви́дящаго я́ко Бо́га Сло́ва, // те́мже и любимо́е вруча́ет тебе́ ста́до.**

Припев: **Пресвята́я Богоро́дице, спаси́ нас.**

Богородичен: **Я́же во утробе́ Преве́чное, / от Отца́ возсия́вшее Бо́га Сло́во плóтию заче́ншую, // вси ублажа́ем, я́ко Ма́терь всех Бо́га.**

Кано́н ап. Па́вла, глас 8:

Припев: **Святы́й апо́столе Па́вле, моли́ Бо́га о нас.**

Тропарь: **Бысть, Христе́, печа́ть и вене́ц апо́столов Твои́х, / и́же напоследок зва́нный вре́мен, тща́нием же всех превозше́д, / с ни́мже лю́дие церко́внии пою́т Тебе́: // оте́ц на́ших Бо́же, благослове́н еси́. (Дважды)**

Припев: **Святы́й апо́столе Па́вле, моли́ Бо́га о нас.**

Тропарь: **А́ще и гони́в пе́рвее Це́рковь Твою́ Па́вел у́зник, / но пре́мину́ дре́внюю де́рзость Твое́ю ре́вностию последи́. / Собра́ бо, Христе́, язы́ки, зову́щия: // оте́ц на́ших Бо́же, благослове́н еси́.**

Припев: **Святы́й апо́столе Па́вле, моли́ Бо́га о нас.**

Тропарь: Ты из Иерусалима проповедав всем Евангелие,/ объят же окрест всю землю, Павле,/ даже до конец Иллирика, уча, зывал еси:// отец наших Боже, благословен еси.

Слава Отцу и Сыну и Святому Духу.

Тропарь: Во ужасе взят быв, третие достигл еси Небо, пребогате,/ и, услышав неизглаголанная словеса, вопиеша:/ слава превышнему Отцу и Сыну,// сияние же сопрестольно испытующаго яве Духа Божия глубины.

И ныне и присно и во веки веков, аминь.

Богородичен: Якоже на руну дождь, на Тя сниде, Дево, Христос Бог,/ и Плотносец из Тебе пройде, соединяя прежде разстоящая,/ мир на земли и на Небеси даруя:// отец наших Боже, благословен еси.

КАТАВА́СИЯ, ГЛАС 4:

Хор: Не послужи́ша тва́ри Богому́дрии/ па́че
Созда́вшего,/ но, о́гненное преще́ние му́жески
попра́вше,/ ра́довахуся, пою́ще:// препе́тый отце́в
Госпо́дь и Бог, благослове́н еси.

ПЕСНЬ 8:

КАНО́Н АП. ПЕТРА́, ГЛАС 4:

Хор:

Ирмос: **Вся́ческая нося́й непристу́пную Твоею́ си́лою, Христе́,/**
преподобны́я Твоя́ о́троки в пла́мени ороси́л еси́,
зову́щия:// благослови́те, вся дела́ Господня́, Го́спода.
(Дважды)

Чтец:

Припев: **Святы́й апо́столе Пётре, моли́ Бо́га о нас.**

Тропарь: **Возде́жут твои́ ру́це и ко кресту́ ты препоя́шут, –/ Влады́ка**
предре́к, Пётре, повелева́ет послeдovati зову́щу://
благослови́те, вся дела́ Господня́, Го́спода. (Дважды)

Припев: **Святы́й апо́столе Пётре, моли́ Бо́га о нас.**

Тропарь: **Благода́ти сло́вом Ене́я, у́бо разсла́бленна лю́те,/ Тавифу́ же**
уме́ршую, чудодeйстви́я, воскреси́л еси́, зову́щия://
благослови́те, вся дела́ Господня́, Го́спода. (Дважды)

Припев: **Святы́й апо́столе Пётре, моли́ Бо́га о нас.**

Тропарь: **И́же Петру́ язы́ки очище́ны пове́дав, Христе́,/ духо́вною**
зарeю и мне помышле́ния очисти́, зову́щу:// благослови́те, вся
дела́ Господня́, Го́спода.

Припев: **Пресвята́я Богороди́це, спаси́ нас.**

Богородичен: **Всесвята́я Де́во, Я́же Бо́га Сло́ва рoждшая плoти́ю,/ души́**
моея́ мрак Твои́ми моли́твами отгна́вши, просвети́,
взыва́юща:// благослови́те, вся дела́ Господня́, Го́спода.

КАНО́Н АП. ПА́ВЛА, ГЛАС 8:

Припев: **Святы́й апо́столе Па́вле, моли́ Бо́га о нас.**

Тропарь: **Сраствори́ся любо́вию Твоею́ Па́вел, до́брым же измене́нием**

изступі:/ не себе бо живіяше сла́вный,// имяше же, Ще́дре, живу́ща
Тя в себе во вся ве́ки. *(Дважды)*

Припев: **Святы́й апосто́ле Па́вле, моли́ Бо́га о нас.**

Тропарь: **Т**ы обручи́л еси́, я́коже невесту, предста́вити Жениху́
Христу́ Це́рковь:/ невестово́ждь бо сея́ показáлся еси́, Па́вле
Богонóсе.// Те́мже ты сла́вит во вся ве́ки. *(Дважды)*

Благослови́м Отца́, и Сы́на, и Свята́го Ду́ха, Го́спода.

Тропарь: **П**одвизáлся еси́ до́брым по́двигом/ и, сконча́в течéние твоé
зако́нно, сокровище ве́ры соблю́л еси́./ Те́мже венце́в, Па́вле,
сподо́бился еси́ пра́вды.

И ны́не и прісно и во ве́ки веко́в, ами́нь

Богородичен: **Ра́дуйся,** престóле огнезра́чный Господень;/ **ра́дуйся,**
Невэ́сто Неневэ́стная, Де́во,/ **ра́дуйся,** о́блаче, Со́лнца
возсия́вшая пра́вды,// Егóже превозно́сим во вся ве́ки.

КАТАВА́СИЯ, ГЛАС 4:

Хор: **Х**валим, благословим, покланя́емся Господеви, пою́ще и
превозно́сюще во вся веки.

О́троки благочесті́выя в пещи́/ рождество́ Богорóдичо
спасло́ есть:/ тогда́ у́бо образу́емое,/ ны́не же
де́йствуемое,/ вселénную всю́ воздви́зает пéти Тебе́:/
Го́спода по́йте дела́,// и превозно́сите Его́ во вся ве́ки.

ПЕСНЬ 9:

КАНОН АП. ПЕТРА, ГЛАС 4:

Хор:

Ирмос: **Тя, преслáвную Невéсту и Всесвятúю Богорóдицу,/ Зиждíteля рóждшую невидимых же и всех видимых,// пéснями велича́ем. (Дважды)**

Чтец:

Припев: **Святýй апóстоле Пётре, моли́ Бóга о нас.**

Тропарь: **Твоя́ преизящная благодáть слáвится достóйно,/ сéни бо твоёй стра́сти немощных, Пётре, отгоняющей,// тёмже ты велича́ем. (Дважды)**

Припев: **Святýй апóстоле Пётре, моли́ Бóга о нас.**

Тропарь: **Мечта́ньми Симо́на волхва́ богобóрца взята́ к возду́шной высотé,/ низложив неизглаго́ланною Божéственною сýлю,// Петр ублажа́ется.**

Припев: **Святýй апóстоле Пётре, моли́ Бóга о нас.**

Тропарь: **Согрешéний разрешéние моли́твами твоими́ пода́ждь,// просвещéние же сёрдца и весéлие дýха пою́щим пáмять твою́, апóстоле.**

Припев: **Святýй апóстоле Пётре, моли́ Бóга о нас.**

Тропарь: **Твоя́ вся испóлнена слáвы, освящéния же и чудéс:// словеса́, мо́щи, персть и véрою, Пётре, покланя́емая и любóвию Божéственныя вери́ги.**

Припев: **Пресвятáя Богорóдице, спаси́ нас.**

Богородичен: **Твоé имя́ Плод чрэва соде́я ликóвника песнь пéти Тебé,/ И́же рáдость рóждши,// велегла́сно – рáдуйся – провещавáюща.**

КАНОН АП. ПÁВЛА, ГЛАС 8:

Припев: **Святýй апóстоле Пáвле, моли́ Бóга о нас.**

Тропарь: **Твои́м покланя́емся вери́гам, я́же за Христá, я́ко злоде́й, носил еси́,/ я́звы же, Пáвле, облобыза́ем,// я́же на слáвнем твоём и победоно́снем но́сиши телеси́. (Дважды)**

Припев: **Святýй апóстоле Пáвле, моли́ Бóга о нас.**

Тропарь: **Н**ы́не разреши́лся еси́, апо́столе, ко́ Иже тобо́ю непреста́нно
Жела́емому,/ с Ни́мже я́ко служи́тель водворя́ясь,//
непреста́нными мольба́ми твоя́ рабы́ к себѣ привлецы́. *(Дважды)*

Сла́ва Отцу́ и Сы́ну и Свято́му Ду́ху.

Тропарь: **Н**ы́не ника́коже в гада́ниих, ниже́ в зерца́ле Христо́с тебѣ
зрим е́сть,/ лице́м же па́че зри́тся к лицу́,// соверше́нне тебѣ
ра́зум открыва́я Божества́.

И ны́не и при́сно и во ве́ки веко́в, ами́нь.

Богородичен: **Т**ы, Пресвята́я Богома́ти, похвала́ Христо́вых апо́столов была́
еси́,/ му́чеников же сла́ва и проро́ков основа́ние.// Те́мже, ве́рнии,
Тя вси достодо́лжно велича́ем.

КАТАВА́СИЯ, ГЛАС 4:

Хор: **В**сяк земно́родный/ да взыгра́ется ду́хом просвеща́емь,/ да
торжеству́ет же безплотных умов естество́,/ почита́ющее
свяще́нное торжество́ Богома́тере,/ и да вопи́ет:/ ра́дуйся,
Всеблаже́нная,// Богоро́дице Чи́стая Присноде́во.

Хор: Го́споди, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и при́сно и во ве́ки
веко́в, ами́нь.

Хор: Ами́нь

СВЕТИ́ЛЕН АПО́СТОЛОВ, ПОДО́БЕН: «ЖЕНЫ́, УСЛЫ́ШИТЕ...»:

Апо́столов вси верх воспо́ем, Петра́ и Па́вла Божество́вныя,/
вселенны́я свети́льники, пропове́дники ве́ры, богосло́вныя
трубы́, уче́ний сказа́тели,// церко́вныя столпы́ и разори́тели
ле́сти. *(Дважды)*

**Слава Отцу́ и Сы́ну и Свято́му Ду́ху и ны́не и при́сно и во ве́ки
веков. Ами́нь.**

Богородичен: **В**ели́ко и пресла́вно рождества́ Твоего́ та́инство,
Богора́дованная Отрокови́це и Богома́ти Де́во,/ проро́цы
пропове́даша, апо́столи научи́ша, му́ченицы испове́даша,//

А́нгели же воспева́ют и челове́цы покланя́ются.

Хор: Достóйно есть я́ко вои́стину блажи́ти Тя, Богоро́дицу,
Присноблаже́нную и Пренепоро́чную и Ма́терь Бо́га на́шего. Честне́йшую
Херувíм и сла́внейшую без сравне́ния Серафíм, без истле́ния Бо́га Сло́ва
ро́ждшую, су́щую Богоро́дицу, Тя велича́ем.

Святы́й Боже, Святы́й Крепкий, Святы́й Бессмертный, помилуй нас.

Трижды.

Слава Отцу и Сыну и Святому Духу, и ныне и присно и во веки веков,
аминь.

Пресвятая Троице, помилуй нас, Господи, очисти грехи наша, Владыко,
прости беззакония наша, Святы́й, посети и исцели немощи наша имене
Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков,
аминь.

Отче наш, Иже еси на небесех. Да святится Имя Твое, да придет
Царствие Твое, да будет воля Твоя, яко на небеси и на земли. Хлеб наш
насущный даждь нам днесь, и остави нам долги наша, якоже и мы
оставляем должником нашим. И не введи нас во искушение, но избави нас
от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

ТРОПА́РЬ АПО́СТОЛОВ, ГЛАС 4:

Хор: Апóстолов первопресто́льницы/ и вселénныя учíteлие,/
Влады́ку всех моли́те/ мир вселénней дарова́ти// и душáм
на́шим véлию мýлость. *(Дважды)*

**Сла́ва Отцу́ и Сы́ну и Свято́му Ду́ху и ны́не и прýсно и во ве́ки
веко́в. Ами́нь.**

БОГОРО́ДИЧЕН, ГЛАС 4:

Е́же от ве́ка утаéное/ и А́нгелом несве́домое та́инство,/
Тобóю, Богоро́дице, су́щим на земл́и яви́ся Бог,/ в несл́итном
соединéнии воплоща́емь,/ и Крест во́лею нас ра́ди воспри́йм,/
и́мже воскресíв первозда́ннаго,// спасé от сме́рти ду́ши на́ша.

Господи, помилуй, *40.*

Иже на всякое время и на всякий час, на небеси и на земли покланяемый и славимый Христе Боже, долготерпеливе, многомилостиве, многоблагоутробне, Иже праведныя любяй, и грешныя милуяй, Иже вся зовый ко спасению обещания ради будущих благ; Сам, Господи, приими и наша в час сей молитвы, и исправи живот наш к заповедем Твоим; души наша освяти, телеса очисти, помышления исправи, мысли очисти, и избави нас от всякия скорби, зол и болезней; огради нас святыми Твоими Ангелы, да ополчением их соблюдаемы и наставляемы, достигнем в соединение веры, и в разум неприступныя Твоя славы, яко благословен еси во веки веков, аминь.

Господи помилуй, *трижды.*

Слава Отцу и Сыну и Святому Духу, и ныне и присно и во веки веков, аминь.

Старший: Молитвами святых отец наших, Господи, Иисусе Христе, Сыне Божий, помилуй нас.ⁱⁱ

Чтец: Аминь.

Нескверная, Неблазная, Нетленная, Пречистая, Чистая Дево, Богоневесто Владычице, Яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая, яже ненадежных едина Надеждо и боримых Помоще, готовое Заступление к Тебе притекающих, и всех христиан Прибежище: не гнушайся мене грешнаго, сквернаго, скверными помыслы, и словесы, и деяньми всего себе непотребна сотворша, и разумом лености сластей жития раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и приими мое еже от скверных устен приносимое Тебе моление: и Твоего Сына, и нашего Владыку и Господа, матернее Твое дерзновение употребляющи, моли, да отверзет и мне человеколюбныя утробы Свояя благодати, и презрев моя бесчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко Милостивая, и Милосердая, и Благолюбивая, в настоящем убо житии теплая Предстательнице и Помощнице, сопротивных нашествия отгоняющи, и ко спасению наставляющи мя: и во время исхода моего окаянную мою душу соблюдающи, и темныя зраки лукавых бесов далече от нея отгоняющи; в страшный же день суда вечныя мя избавляющи муки и неизреченныя славы Твоего Сына и Бога нашего наследника мя показующи; юже и да улучу, Владычице моя, пресвятая Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бога и Спаса нашего Иисуса Христа; Емуже подобает всякая

слава, честь и поклонение, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков, аминь.

*Молитва иная, ко Господу нашему Иисусу Христу, Антиоха монаха
Пандекта:*

И даждь нам, Владыко, на сон грядущим, покой тела и души, и сохрани нас от мрачнаго сна греховнаго, и от всякаго темнаго и ноцнаго сладострастия. Укrotи стремления страстей, угаси разжженныя стрелы лукаваго, яже на ны льстивно движимыя. Плоти нашея востания утоли, и всякое земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок, и всякаго сатанина мечтания изменен. Возстави же нас во время молитвы утверждены в заповедех Твоих, и память судеб Твоих в себе твердо имуща: всенощное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Духа, ныне и присно, и во веки веков, аминь.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет тобою души наша.

Молитва иная святаго Иоанникія:

Упование мое Отец, прибежище мое Сын, покров мой Дух Святыи: Троице Святая, слава Тебе.

Слава Отцу и Сыну и Святому Духу, и ныне и присно и во веки веков, аминь.

Господи помилуй, *трижды*. Господи, благослови.

Господи Иисусе Христе Сыне Божий, молитвами Пречистыя Твоя Матере и всех святых, помилуй и спаси нас, яко Благ и Человеколюбец. **А**минь.ⁱⁱⁱ

Таже молитву: **О**слаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Яже в мори управи. Путешествующим спутешествуй. Служащим и милующим нас грехов оставление даруй. Заповедовавших нам недостойным

молитися о них помилуй по велицей Твоей милости. Помяни, Господи, братья наших плененных и избави я от всякого обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков, аминь.

Хор: Господи помилуй, *трижды*.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь.
